

**CONVENIO DE COLABORACIÓN ENTRE VEVI SYSTEMS
E O COLEXIO OFICIAL DE PROTÉSICOS DENTAIS DE GALICIA
(CONSELLO GALEGO)**

En Santiago de Compostela, 1 de outubro de 2.014

REUNIDOS

Dunha parte, **D. Víctor Manuel Prieto Álvarez**, con DNI nº 32822219T, na condición de representante de VEVI SYSTEMS S.L., con CIF Nº B70388947, con domicilio na rúa Torreiro nº 13, 6º D, C.P. 15.001, A Coruña.

E de outra, **D. AVELINO J. SANMARTÍN CAAMAÑO**, na súa condición de Presidente do **COLEXIO OFICIAL DE PROTÉSICOS DENTAIS DE GALICIA** (en adiante COLEXIO), con domicilio na rúa Hórreo nº 7, 1º dereita, de Santiago de Compostela (A Coruña) e CIF Q-2701000-H.

Recoñecéndose reciprocamente a capacidade legal necesaria para o outorgamento do presente documento, en uso das competencias que ámbalas dúas partes teñen outorgadas,

EXPOÑEN

PRIMEIRO.- Que VEVI SYSTEMS é unha empresa que desenvolve a súa actividade en diversas areas relacionadas cos sistemas de información e consultoría informática, perseguindo sempre o uso de tecnoloxías punteiras centrado na implantación de solucións baseadas no modelo de computación na nube ou Cloud Computing.

SEGUNDO.- Que o COLEXIO é unha Corporación de Dereito Público, con personalidade xurídica e plena capacidade de obrar para o cumprimento dos seus fins, con ámbito de actuación na Comunidade de Galicia e creado pola Lei 4/1998, de 30 de xuño, de creación do Colexio Oficial de Protésicos Dentais de Galicia. Os fins do COLEXIO son os recollidos na Lexislación de Colexios Profesionais, sendo os principais:

1. Velar pola satisfacción dos intereses xerais relacionados co exercicio da profesión de Protésico Dental.
2. Lograr a constante mellora do nivel de calidade das prestacións profesionais de los colexiados, promovendo a súa formación e perfeccionamento.
3. Exercer no seu ámbito a representación e defensa da profesión, así como a representación legal do colectivo de profesionais colexiados.

Así mesmo, o artigo 5 da Lei 2/1974, de 13 de febreiro, sobre colexios profesionais, outórgalle, entre outras as seguintes funcións:

1. Organizar actividades e servizos comúns de interese para os colexiados, de carácter profesional, formativo, cultural, asistencial e previsión, e outros análogos.

2. Cantas outras funcións redunden en beneficio dos intereses profesionais dos colexiados.

TERCEIRO.- Que ámbalas dúas entidades se encontran interesadas en establecer un marco de colaboración, polo que acordan subscribir o presente Convenio de Colaboración, que se rexerá polas seguintes,

CLÁUSULAS

PRIMEIRA.- O obxecto deste Convenio é facilitar o acceso ao colectivo de protésicos dentais ao programa VEVI DENTAL, ofertado por VEVI SYSTEMS.

Vevi Dental é unha solución innovadora ao problemas dun laboratorio dental, baseada no modelo de computación na nube ou Cloud Computing que permite unha mellora na atención ao cliente, ofrecendo un novo servizo ás clínicas dentais, permite a realización de pedidos directamente dende a plataforma, o envío de albaráns, facturas e demais documentación ao dentista, así como poder realizar un seguimento dos traballos realizados e a posibilidade de facer comentarios para axilizar a comunicación entre o laboratorio e a clínica.

Así mesmo dispón dun control automático de stock, incluíndo a posibilidade da realización de pedidos aos provedores en función do stock dispoñible, realizando unha xestión unificada de almacén e trazabilidade. Contempla por outra banda, a facturación directa dos traballos, un control de cobros e débedas, así como a elaboración de orzamentos, xerando por maior abastamento a declaración de conformidade e a etiqueta identificativa do produto sanitario, contemplando ademais un sistema de xestión de incidencias integrado.

VEVI DENTAL non precisa de instalación e é compatible con todos os sistemas operativos: Windows, Linux... cumprindo co disposto no RD 1591/2009 polo que se regulan os produtos sanitarios así como co establecido na LOPD.

SEGUNDA.- Todos os colexiados e laboratorios dependendo da súa capacidade e volume de traballo, que requiran a utilización do programa VEVI DENTAL disporán os seguintes prezos:

1. Plan Estándar.
 - Toda a potencia de Vevi Dental.
 - Páxina web incluída.
 - Seis primeiros meses 15€/mes + IVE - Despois 20€/mes + IVE
2. Plan Premium:
 - Para os laboratorios máis esixentes.
 - Mais capacidade.
 - Funcionalidade máis completa.
 - Páxina web incluída.
 - Primer ano 40€/mes + IVE - Despois 50€/mes + IVE

3. Para Mini:

- Para laboratorios con pouca carga de traballo.
- Funcionalidade máis limitada.
- 15€/mes + IVE

O programa VEVI DENTAL non ten cota de alta, nin gastos de licenza, así mesmo na cota mensual contéplase o soporte técnico, mantemento e actualizacións do programa, así como a realización de copias de seguridade, sen ningún compromiso de permanencia. Polo demáis, por parte de VEVI SYSTEMS realizaríase de xeito gratuito e nun prazo razoable a importación dos datos que foren posibles do programa anterior, se fora o caso, a VEVI DENTAL.

Os colexiados do COLEXIO, deberán acreditar esta circunstancia, mediante a presentación do carné de colexiado, para beneficiarse destas condicións.

TERCEIRA.- O COLEXIO dará a coñecer entre os seus colexiados o contido do presente Convenio, así mesmo incluírá na súa páxina web un banner ou link de acceso á páxina web de VEVI SYSTEMS.

CUARTA.- As partes estipulan que o acordo se manterá vixente dende a data da súa sinatura. O convenio considerarase renovado por períodos anuais, sempre que ningunha das partes notifique á outra, fehacientemente por escrito, a súa resolución ou finalización polo menos **trinta días antes** da conclusión de cada período. En calquera caso VEVI SYSTEMS resérvase o dereito a actualizar os prezos segundo o IPC ou en resposta a variación dos costes operativos.

QUINTA.- Todas as accións de promoción e difusión deste convenio que impliquen a utilización de calquera marca comercial do conxunto que integra VEVI SYSTEMS e o COLEXIO, entendéndose por marca, a marca propiamente dita, o logotipo, nome comercial, ou calquera denominación, signo ou título inscribible nun rexistro público a efectos de protexer a súa propiedade, dereito de uso ou comercialización, deberá contar coa autorización das entidades.

SEXTA.- Ámbalas dúas partes, durante a execución deste convenio, comprométense a dar estrito cumprimento ao disposto na Lei Orgánica 15/1999, de protección de datos (LOPD) e á súa normativa de desenvolvemento. No caso de vulneración da citada normativa, a parte responsable deberá asumir a totalidade das consecuencias de índole administrativo ou civil que puideran derivarse de tal incumprimento.

SÉTIMA.- O incumprimento das obrigas que asumen as partes asinantes deste convenio dará lugar á súa resolución, previa denuncia deste pola parte interesada.

OITAVA.- A modificación deste Convenio soamente se poderá establecer de mutuo acordo entre as partes.

NOVENA.- Para calquera dúbida, diverxencia ou interpretación e cumprimento deste documento, ámbalas dúas partes se someten á xurisdición e competencia dos Xulgados de Santiago de Compostela.

E para que así conste e aos efectos oportunos, ambas partes subscriben o presente Convenio por duplicado, no lugar e data indicados no encabezamento.

Por **VEVI SYSTEMS S.L.**

Asdo.: Víctor Manuel Prieto Álvarez

Polo **COLEXIO OFICIAL DE
PROTÉSICOS DENTAIS DE GALICIA**

Asdo.: Avelino J. Sanmartín Caamaño

